



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Alifano Episcopo.

urn:nbn:de:hbz:466:1-20006

ALIFANO EPISCOPO.

Epist. 72.
Quod Clericos
præsumentes
ipsum ad tribu-
nal seculare
trahere, possit
per excommu-
nicationis sen-
tentiam colet-
tere.

Iustis perentium &c. usque ad verbum illud assensu. Ut clericos tuos, qui contumaces aut inobedientes extiterint, qui etiam in ecclesiasticis causis & beneficiis conferendis te per appellationem præsumplerint ad judicium trahere seculare, nisi ad monitionem tuam ab his præsumptionibus duxerint desistendum, tibi eos liceat per excommunicationis sententiam cohercere, auctoritate tibi præsentium indulgemus. Præterea, si quid vacante sede usque ad tempus consecrationis tuae in præjudicium tuum fuit in Alifana Ecclesia temere attentatum, liberum tibi sit legitimè revocare. Datum Romæ.

MAGISTRO ET FRATRIBVS
Hospitalis Hierosolymitani.

Epist. 73.
Vt Ecclesia
Tripolitanæ
Ecclesiam de
Nephin unà
cum decimis,
juxta decreum
Pontificis refi-
gnent.

Ea quibus apostolica sedes manum diffinitionis apponit, illius volumus firmiratis stabilitate fulciri, ut nulli liceat in scrupulum quæstionis deducere quod tantæ sedis est auctoritate statutum. Sanè venientibus ad præsentiam nostram dilectis filiis nostris S. Priore sancti Michaëlis & Aimerico canonico Tripolitan. nunciis ipsius Ecclesia Tripolitanæ, & super Ecclesia de Nephin. & decimis suis, ac tribus catalibus, quæ occasione literarum bona memoria C. Papæ prædecessoris nostri vos occupasse temere asserebant, contra vos proponentibus quæstionem, tam ipsis quam nuncius veltris eis se opponentibus venerabilem fratrem nostrum P. Portuen. Episcopum & dilectos filios Guid. rr. sancte Mariae transyberim presbyterum & G. sancti Angeli diaconum Card. concessimus auditores: in quorum præsentia cùm ab utraque parte fuisset diutius allegatum, & ex fideli relatione nobis super causæ meritis nuda veritas appareret, post deliberationem habitam inter fratres nostros super his diligenter, de consilio eorundem decrevimus Ecclesiam Tripolitan. in eum statum possessionum integrè reducendam, quam habuit antequam per venerabilem fratrem nostrum Nazarenum Archiepiscopum & dilectum filium Abbatem Montis Oliveti destinatum à venerabili fratre nostro Patriarcha Hierosolymitan. occasione mandati prædecessoris nostri, prædictarum rerum

posseſſio vobis adjudicata fuisset. Ideo que vobis per apostolica scripta districte præcipiendo mandamus, quatenus juxta quod est sententiatum à nobis, posſeſſionem tam Ecclesiae de Nephin, quam aliorum quæ superiùs sunt exprefſa, cum integritate fructuum ex eis ab illo tempore perceptorum, memorata Tripolitan. Ecclesiae, contradictione, occasione, & appellatione cessantibus, pacifice resignantes, nullam ei super eadem posſeſſione violentiam præsumatis aut injuriam irrogare, ne in causa proprietatis propter rebellionem vestram jacturam possitis incurrire gravorem. Noveritis autem nos venerabilibus fratribus nostris Tyrensi Archiepiscopo & Episcopo Sidonien. mandasse, ut si ultra mensem posſeſſionem illam (quod non credimus) contra sententiam nostram præsumpleritis detinere, ipsi vel alter eorum (si ambo nequierint interesse) auctoritate nostra suffulti prædictam Ecclesiam de Nephin, cum prædictis omnibus, non obstante contradictione vel appellatione cuiuslibet, Ecclesiae Tripolitan. assignent, & eam in corporalem posſeſſionem omnium prædictorum inducant, quoilibet contradictores, aut nostræ sententiæ obviantes, per severitatem ecclesiasticam appellatione postposita compescendo. Nullis literis obstantibus, præter assensum partium à sede apost. impetratis. Datum Lateran.

ANAGNINO EPISCOPO.

Ad universalis Ecclesiae regimen Domino disponente vocati, sic Ecclesiarum commodis & profectibus volumus (prout debemus) efficaciter providere, quod tam in temporalibus quam spiritualibus proficere valeant, & statum semper debeant recipere meliorem. Inde est quod cùm in desiderio habeas & proposito Anagnin. Ecclesiam juxta officij tui debitum in posſeſſionibus ampliare, & justis modis ejus utilitatibus imminere, gratum nobis & acceptum existit, & votis tuis super hoc volumus patrocinium apostolicum impetriri. Quia igitur Caſtrum Acuti pro Ecclesiae tibi commissæ utilitatibus comparare laboras, & tam tuæ quam ipsius Ecclesiae facultates non sufficiunt ad pretium exolvendum; ut in præsenti articulo cùm toto tuo Capitulo, vel ma-

Epist. 74.
Quod liceat ei
pro empione
Caſtri, Eccle-
sie bona cum
voluntate Ca-
pituli, pigori
supponere.